



Broj: 10/E-11-5841/25
Sarajevo, 06-11-2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Usluge izrade energijskog audita za zgradu Općine Centar Sarajevo i Kantona Sarajevo, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 10/E-11-5841/25 od 03.11.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **„nLogic“ d.o.o. Sarajevo**, ulica Đoke Mazalića broj 2, 71000 Sarajevo, broj: NL-P-233-25 od 17.10.2025. godine, za usluge izrade energijskog audita za zgradu Općine Centar Sarajevo i Kantona Sarajevo, putem konkurentskog zahtjeva za dostavu ponuda, sa cijenom u ukupnom iznosu od 7.887,00 KM bez PDV-a, odnosno 9.227,79 KM sa PDV-om.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Usluge izrade energijskog audita za zgradu Općine Centar Sarajevo i Kantona Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-5841/25 od 09.10.2025. godine. Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi **23.500,00 KM**.

Obavještenje o nabavci 848-7-2-121-3-212/25 objavljeno je dana 10.10.2025. godine na Portal javnih nabavki (www.ejn.gov.ba).

U krajnjem roku za predaju ponuda koji je određenom tenderskom dokumentacijom (21.10.2025. godine do 12:00 sati), na adresu Ugovornog organa primljene su 3 (tri) ponude dostavljene od ponuđača: 1. „EUROING“ d.o.o. Bihać; 2. „PROVING“ d.o.o. Sarajevo; 3. „nLogic“ d.o.o. Sarajevo i 4. Grupa ponuđača „Enova“ d.o.o. Sarajevo (vođeci član grupe ponuđača) i „CETEOR“ d.o.o. Sarajevo (član grupe ponuđača). Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

R/b	Ponuđač	Ukupna cijena bez PDV-a (KM)	Popust	Ukupna cijena sa PDV-om (KM)
1.	"EUROING" d.o.o. Bihać	14.600,00	/	17.082,00
2.	„PROVING“ d.o.o. Sarajevo	12.600,00	/	14.742,00
3.	"nLogic" d.o.o. Sarajevo	7.887,00	/	9.227,79
4.	Grupa ponuđača: 1. "Enova" d.o.o. Sarajevo 2. "CETEO" d.o.o. Sarajevo	14.950,00	/	17.491,50

Nakon izvršenog javnog otvaranja ponuda, na zatvorenom sastanku održanom dana 21.10.2025. godine, Komisija III pristupila je detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača u pogledu lične situacije, sposobnosti obavljanja profesionalne djelatnosti kao i tehničke i profesionalne sposobnosti; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i relevantnim podzakonskim propisima.

Na osnovu detaljnog pregleda i analize ponuda, Komisija III konstatovala je da ponuđač „PROVING“ d.o.o. Sarajevo ne zadovoljava minimalne uslove tehničke i profesionalne sposobnosti, iz tačke 7.3.1. pod a) i c) tenderske dokumentacije.

Ovu ocjenu Komisija III obrazlaže na sljedeći način:

Na osnovu uvida u dokumentaciju - referenc listu dostavljenu na str. 21-22 ponude i izjavu o obrazovnim i profesionalnim kvalifikacijama članova projektnog tima dostavljenu na str. 31 ponude - Komisija III je jednoglasno konstatovala da ponuđač „PROVING“ d.o.o. Sarajevo nije dokazao da ima uspješno iskustvo u realizaciji najmanje jednog ugovora koji se odnosi na objekat sa statusom nacionalnog spomenika ili na objekat koji se nalazi unutar obuhvata zaštitne zone nacionalnog spomenika – ambijentalne cjeline. U dostavljenoj referenc listi o realizovanim projektima sličnih predmetu nabavke, kao i dostavljenim potvrdama o izvršenim ugovorima, nije navedeno da se opisani projekti, odnosno ugovori, odnose na *objekat/objekte koji ima/imaju status nacionalnog spomenika ili se nalazi/nalaze unutar obuhvata zaštitne zone nacionalnog spomenika – ambijentalne cjeline*, kako je zahtijevano tenderskom dokumentacijom.

Također, u Izjavi ponuđača o obrazovnim i profesionalnim kvalifikacijama projektnog tima nije navedeno da ta lica imaju iskustvo u realizaciji minimalno tri projekta istog karaktera koji obuhvataju objekat/objekte koji ima/imaju status nacionalnog spomenika ili se nalazi/nalaze u unutar obuhvata zaštitne zone nacionalnog spomenika – ambijentalne cjeline.

Tenderskom dokumentacijom traženo je iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.

Komisija III je konstatovala da je Projektnim zadatkom za izradu energijskog audita za zgradu Općine Centar Sarajevo i Kantona Sarajevo, koji je sastavni dio tenderske dokumentacije (Aneks 7.), Ugovorni organ precizirao da se objekat – Zgrada Kantona i Općine Centar Sarajevo smatra historijskom građevinom, te da je Odlukom Povjerenstva za očuvanje nacionalnih spomenika BiH proglašena nacionalnim spomenikom BiH, čime uživa najviši stepen zaštite.

Iz navedenog razloga, za predmetnu nabavku je od posebne važnosti da ponuđač posjeduje odgovarajuće kvalifikacije, odnosno referentno iskustvo u realizaciji ugovora odnosno projekata na objektu/objektima koji ima/imaju status nacionalnog spomenika ili se nalazi/nalaze unutar obuhvata zaštitne zone nacionalnog spomenika – ambijentalne cjeline.

U tenderskoj dokumentaciji, Poglavljem 7.3. TEHNIČKA I PROFESIONALNA SPOSOBNOST, tačkom 7.3.1. a) je propisano:

"Da bi ponuđač učestvovao u postupku javne nabavke mora ispuniti sljedeće minimalne uslove tehničke i profesionalne sposobnosti:

a) Da ima uspješno iskustvo u realizaciji najmanje 1 (jednog) ugovora odnosno projekta čiji su predmet, obim, karakter i kompleksnost isti ili slični predmetnoj nabavci (detaljan energijski audit), u prethodne 3 (tri) godine, računajući od dana podnošenja ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, a koji je obuhvatao zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline;"

Tačkom 7.3.1. pod c) tenderske dokumentacije zahtijevano je od ponuđača:

„b) Da posjeduje obrazovne i profesionalne kvalifikacije i radno iskustvo, tako da projektni tim koji će biti angažovan za pružanje konkretnih usluga čine:

- Najmanje jedan (1) diplomirani inženjer elektrotehnike s minimalno 10 (deset) radnog iskustva na istim poslovima koji su predmet nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.
- Najmanje 2 (dva) diplomirana inženjera mašinstva s minimalno 10 (deset) godina radnog iskustva na istim poslovima koji su predmet javne nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.
- Najmanje dva (2) diplomirana inženjera građevine ili arhitekture s minimalno deset (10) godina radnog iskustva na istim poslovima koji su predmet javne nabave, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.

Prema zahtjevima tenderske dokumentacije, svi ponuđači, učesnici u postupku javne nabavke, bili su dužni dokazati da lica koja će činiti projektni tim angažovan na pružanju usluga posjeduju potrebne obrazovne i profesionalne kvalifikacije i radno iskustvo, u skladu sa zahtjevima iz tenderske dokumentacije.

U skladu sa utvrđenim činjenicama Komisija III je ocijenila da je ponuda ponuđača „PROVING“ d.o.o. Sarajevo neprihvatljiva, jer ponuđač ne ispunjava kriterijume za kvalifikaciju privrednog subjekta iz tenderske dokumentacije, tačke 7.3.1. pod a) i c).

Ponuda je dokument koji priprema i podnosi ponuđač u postupku javne nabavke, pri čemu nudi isporuku robe, pružanje usluga ili izvođenje radova pod uslovima koje određuje ugovorni organ u tenderskoj dokumentaciji.

Ponuda treba u potpunosti da ispunjava uslove koje je u tenderskoj dokumentaciji postavio ugovorni organ, kako u pogledu dokazivanja kvalifikovanosti, tako i u pogledu ispunjavanja zahtjeva iz tehničkih specifikacija, kao sastavnog dijela tenderske dokumentacije.

Tenderskom dokumentacijom, Poglavljem 8. ZAHTEVI U VEZI SA DOSTAVLJANJEM PONUDE, tačka 8.1. PRIPREMA PONUDE, podtačka 8.1.1. propisano je:

“Ponuđači su obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona o javnim nabavkama.”

Članom 57. stav (1) Zakona o javnim nabavkama („Službeni glasnik BiH“, broj 39/14, 59/22 i 50/24) propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 68. stav (4) tačka i) Zakona o javnim nabavkama zakonodavac je propisao da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije.

U skladu sa naprijed navedenim Komisija III je ocijenila da je ponuda ponuđača „PROVING“ d.o.o. Sarajevo neprihvatljiva prema članu 2. stav (1) tačka l) alineja 2) Zakona o javnim nabavkama, te je kao takvu odbacila u skladu sa članom 68. stav (4) tačka i) Zakona o javnim nabavkama, što je konstatovano u Zapisniku o pregledu i ocjeni ponuda, broj: 10/E-11-5841/25 od 03.11.2025. godine koji je sastavni dio ove odluke.

U daljem toku pregleda i ocjene preostalih ponuda Komisija III je na zatvorenom sastanku utvrdila da je ponuđač „EUROING“ d.o.o. Bihać na stranici 63 ponude dostavio potvrdu o uspješno realizovanom ugovoru, izdatu od firme „URBING“ d.o.o. Sarajevo, br: 30-PO/25 od 10.01.2024. godine.

Dostavljanom potvrdom izdavalac potvrđuje da je usluga, čiji je predmet izrada detaljnog energijskog audita u sklopu Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevo, uredno izvršena u ugovorenom roku i kvaliteti, odnosno da je zaključen ugovor uspješno realizovan.

Komisija III je dalje utvrdila da je potvrda u skladu sa referentnom listom ponuđača, u kojoj se na stranici 49 ponude, pod red. br. 44, navodi „Detaljni energijski audit – Objekat bivše zgrade SDK kod

Vječne vatre, Sarajevo", a kao investitor je naveden „URBING“ d.o.o. Sarajevo, te da sadrži sve obavezne elemente u smislu člana 48. stav (3) Zakona o javnim nabavkama BiH.

Međutim, u tekstu potvrde nije navedeno da li se projekt, odnosno izvršene usluge izrade detaljnog energijskog audita, odnose na zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline, kako je definisano u Poglavlju 7.3. TEHNIČKA I PROFESIONALNA SPOSOBNOST, tačka 7.3.1. pod a), tenderske dokumentacije za konkretnu nabavku.

Komisija III se pozivala na tačku 7.3.1. pod a) tenderske dokumentacije, koja glasi:

„7.3.1. Tehnička i profesionalna sposobnost član 48. - 50. Zakona o javnim nabavkama:

Da bi ponuđač učestvovao u postupku javne nabavke mora ispuniti sljedeće minimalne uslove tehničke i profesionalne sposobnosti:

a) Da ima uspješno iskustvo u realizaciji najmanje 1 (jednog) ugovora odnosno projekta čiji su predmet, obim, karakter i kompleksnost isti ili slični predmetnoj nabavci (detaljan energijski audit), u prethodne 3 (tri) godine, računajući od dana podnošenja ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, a koji je obuhvatao zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline;“

Naime, Projektnim zadatkom za izradu energijskog audita za zgradu Općine Centar Sarajevo i Kantona Sarajevo, koji je sastavni dio tenderske dokumentacije (Aneks 7.), Ugovorni organ je precizirao da se objekat – Zgrada Kantona i Općine Centar Sarajevo smatra historijskom građevinom, te da je Odlukom Povjerenstva za očuvanje nacionalnih spomenika BiH proglašena nacionalnim spomenikom BiH, čime uživa najviši stepen zaštite.

Iz navedenog razloga, ocijenjeno je kako je od važnosti za predmetnu nabavku da ponuđač posjeduje odgovarajuće kvalifikacije, odnosno referentno iskustvo u realizaciji ugovora odnosno projekata na objektu/objektima koji ima/imaju status nacionalnog spomenika ili se nalazi/nalaze unutar obuhvata zaštitne zone nacionalnog spomenika – ambijentalne cjeline.

S tim u vezi, a u skladu sa članom 68. stav (3) Zakona o javnim nabavkama BiH, aktom broj: 10/E-11-5841/25 od 23.10.2025. godine zahtijevano je od ponuđača „EUROING“ d.o.o. Bihać pojašnjenje sadržaja dostavljene potvrde, na način se precizno i jasno izjasni da li se predmetni ugovor (*Izrada detaljnog energijskog audita u sklopu Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevu*) odnosi na objekat koji:

- ima status nacionalnog spomenika, ili
- se nalazi unutar obuhvata zaštitne zone nacionalnog spomenika – ambijentalne cjeline.

S tim u vezi Komisija III je ocijenila da postoji opravdana potreba da se od ponuđača zatraži pojašnjenje dostavljenog dokumenta, odnosno potvrde, u cilju otklanjanja formalnog nedostatka dokumenta, a u konačnici i za provjeru kvalifikacija ponuđača te dokazivanje ispunjenja uslova o posjedovanju potrebnog iskustva u skladu s uslovom iz tačke 7.3.1. pod a) tenderske dokumentacije.

Dana 24.10.2025. godine, ponuđač „EUROING“ d.o.o. Bihać dostavio je pisano pojašnjenje, uz koje je priložena i pisana izjava firme „URBING“ d.o.o. Sarajevo, br: 31-PO/25 od 24.10.2025. godine, u kojoj se, u vezi s izdatom potvrdom o uspješnoj realizaciji ugovora br: 30-PO/25 „Izrada detaljnog energijskog audita u sklopu Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevu“, navodi da se objekat bivše zgrade „SDK“ kod Vječne vatre u Sarajevu nalazi unutar obuhvata zaštitne zone nacionalnog spomenika – ambijentalne cjeline, temeljem Odluke Komisije o Odluke Komisije o proglašenju Historijskog urbanog krajolika Sarajevo broj: 07.2-2.3-81/20-7.

Komisija III je na zatvorenom sastanku održanom dana 27.10.2025. godine razmotrila i jednoglasno prihvatila dostavljeno pojašnjenje priložene ponuđača sa svim pratećim prilogima.

Na temelju uvjeta i zahtjeva iz tenderske dokumentacije, koji se odnose na kvalifikaciju ponuđača u dijelu tehničke i profesionalne sposobnosti, kao i pojašnjenja potvrde koje je dostavio ponuđač „EUROING“ d.o.o. Bihać, Komisija III je jednoglasno konstatovala da ponuda ponuđača „EUROING“ d.o.o. Bihać zadovoljava uvjete iz tenderske dokumentacije i da je prihvatljiva.

Pojašnjenje potvrde ponuđača „EUROING“ d.o.o. Bihać sastavni je dio Zapisnika o pregledu i ocjeni ponuda u ovom predmetu.

Na osnovu rezultata pregleda i analize ostalih ponuda i dostavljenih dokaza i izjava, Komisija III jednoglasno je utvrdila da ponude ponuđača 1. „EUROING“ d.o.o. Bihać; 2. „nLogic“ d.o.o. Sarajevo i 3. Grupa ponuđača: „Enova“ d.o.o. Sarajevo i „CETEOR“ d.o.o. Sarajevo, ispunjavaju uslove propisane

tenderskom dokumentacijom, kao i zahtjeve Ugovornog organa za predmetnu nabavku. Shodno tome, Komisija III je ponude navedenih ponuđača ocijenila kao prihvatljive u smislu odredaba Zakona o javnim nabavkama.

Detaljnou računskom provjerom ispravnosti ponuda, Komisija III je ustanovila da su ponude računski ispravne, te da je ispravno obračunata ukupna cijena ponuda sa PDV-om.

Komisija III je izvršila provjeru ispunjenosti uslova za primjenu člana 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15).

Nakon što je pregledom i usporedbom prihvatljivih ponuda utvrdila da je prvorangirana ponuda niža za više od 20% u odnosu na drugorangiranu ponudu (član 17. stav (7) tačka b) Uputstva), što je pokazatelj neprirodno niske cijene, Komisija III je dopisom broj: 10/E-11-5841/25 od 30.10.2025. godine zatražila pisano objašnjenje od prvorangiranog ponuđača „nLogic“ d.o.o. Sarajevo o razlogu za ponuđenu nisku cijenu.

Ponuđač „nLogic“ d.o.o. Sarajevo je kao odgovor dostavio dopis broj: NL-ID-233/25 od 31.10.2025. godine.

Komisija III je jednoglasno ocijenila objašnjenje neprirodno niske cijene ponude osnovano i prihvatljivo. Objašnjenje ponuđača „nLogic“ d.o.o. Sarajevo, broj: NL-ID-233/25 od 31.10.2025. godine, sastavni je dio Zapisnika o pregledu i ocjeni ponuda u ovom predmetu.

U daljem toku postupka, Komisija III je izvršila analizu, usporedbu i evaluaciju dostavljenih ponuda prema kriteriju za dodjelu ugovora.

Na osnovu usporedbe i vrednovanja ponuda u skladu s kriterijem „*najniža cijena*“, te u skladu sa članom 64. stav (1) tačka b) Zakona o javnim nabavkama, Komisija III je utvrdila sljedeći poredak ponuda:

R/b	Ponuđač	Ukupna cijena bez PDV-a (KM)	Popust	Ukupna cijena sa PDV-om (KM)
1.	„nLogic“ d.o.o. Sarajevo	7.887,00	/	9.227,79
2.	„EUROING“ d.o.o. Bihać	14.600,00	/	17.082,00
3.	Grupa ponuđača: 1. „Enova“ d.o.o. Sarajevo 2. „CETEO“ d.o.o. Sarajevo	14.950,00	/	17.491,50

Nakon evaluacije i vrednovanja ponuda, u skladu s kriterijem za izbor najpovoljnije ponude i dodjelu ugovora „*najniža cijena*“, Komisija III je izvršila rangiranje ponuda kako slijedi:

R/b	Ponuđač	Ukupna cijena bez PDV-a (KM)	Rang
1.	„nLogic“ d.o.o. Sarajevo	7.887,00	1
2.	„EUROING“ d.o.o. Bihać	14.600,00	2
3.	Grupa ponuđača: 1. „Enova“ d.o.o. Sarajevo 2. „CETEO“ d.o.o. Sarajevo	14.950,00	3

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **„nLogic“ d.o.o. Sarajevo**, ulica Đoke Mazalića broj 2, 71000 Sarajevo, broj: broj: NL-P-233-25 od 17.10.2025. godine, sa cijenom u ukupnom iznosu u ukupnom iznosu od 7.887,00 KM bez PDV-a, odnosno 9.227,79 KM sa PDV-om, kao najpovoljnije za usluge izrade energijskog audita za zgradu Općine Centar Sarajevo i Kantona Sarajevo.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-5841/25 od 03.11.2025. godine



Dostaviti:

1. Ponuđaču: "EUROING" d.o.o. Bihać
ulica Mehmeda Džanića broj L1, 77000 Bihać
2. Ponuđaču: „PROVING“ d.o.o. Sarajevo
ulica Milana Preloga bb, 71000 Sarajevo
3. Ponuđaču: „nLogic“ d.o.o. Sarajevo
ulica Đoke Mazalića broj 2, 71000 Sarajevo
4. Grupi ponuđača: „Enova“ d.o.o. Sarajevo i „CETEO“ d.o.o. Sarajevo
ulica Podgaj broj 14/1 i Topal Osman-paše broj 32B, 71000 Sarajevo
5. Službi za zajedničke i tehničke poslove
6. Kabinetu općinskog načelnika – Odsjek za javne nabavke
7. Službi za finansije
8. U spis